

RAPORTU
Nu 2014/E1/005

ASSEMBLEA DI CORSICA

1a SIDUTA STRAZURDINARIA DI U 2014

30 è 31 DI GHJINNAGHJU

RAPORTU DI U SGIÒ
PRISIDENTI DI U CUNSIGLIU ISICUTIVU

PRUGHJETTU DI CRIAZIONI DI UNA ASTA STRADALI
NANT'A A CUMUNA DI VENACU TRA A RN193 E A RN200

CUMISSIONI CUMPITENTI :

CUMISSIONI DI U SVILUPPU ICUNOMICU, DI L'ASSESTU DI
U TARRITORIU è DI L'AMBIU

CUMISSIONI DI I FINANZI, DI A PIANIFICHERA, DI
L'AFFARI AUROPEI è DI A CUUPARAZIONI

RAPORTU DI U PRISIDENTI DI U CUNSIGLIU ISICUTIVU DI CORSICA
--

UGHJETTU : L'auturizà di u Prisidenti di u Cunsigliu Isicativu à lampà u prucidimentu di cuncirtà publicu in quantu à a criazioni di una asta stradali nant' à a cumuna di Venacu trà a strada naziunali 193 (futura strada Tarritoriali 20) è a Strada Naziunali 200 (futura Strada Tarritoriali 50)

Anori t'aghju di suttumetta à u cunsensu di l'Assemblea di Corsica quiddu raportu da pudè lampà i prucidimenti di cuncirtà in cunfurmità à i disposti di l'articuli L.300-2 è R300-3 di u Codici di l'urbanisimu relativi à u prughjettu di criazioni di una asta stradali trà a Strada Naziunali 193 è a Strada Naziunali 200.

1) CUNTESTU GHJINIRALI DI L'OPARA

U cuncirtà publicu porta nant' à a criazioni di una via nova chì rilia a Strada Naziunali 193 è a Strada Naziunali 200 è chì, d'una parti si scrivi in u quattru d'asestu di l'assu stradali Bastia-Aiacciu (Strada Naziunali 193), assu di primura par l'isula, è d'altra parti pirmsetti un liamu faciuli incù a piaghja uriintali. L'ughjittivi di u maestru d'opara sò quisti quì :

- ✓ Essa in cuireenza incù a scelta d'asestu à longu andà di l'assu Bastia-Aiacciu in quantu à u tempu di traghjettu è u cunfortu d'usu ;
- ✓ Middurà i cundizioni di fluidità di u trafficcu è a sicurezza ;
- ✓ Middurà a leia incù a piaghja uriintali (Strada Naziunali 200) è rilìa à so vasca dimugrafica à u centru di a Corsica.

In paragonu à quidda riflissioni nant' à l'asta di liamu, sarani privisti travaddi par u francà di u paesi, incù :

- ✓ a qualifica nova di i crucivii,
- ✓ u custruì di parcheghji da metta un termini à u staziunà anarchicu,
- ✓ è a criazioni di tighjati da middurà u spassighjà di i pidoni.

2) UGHJITTIVU DI U CUNCIRTÀ PUBLICU

A prova prasintata in u cuncirtà publicu teni par scopu :

- ✓ di piddà in contu u programu difinitu in u Schema Dirittoriu di i Stradi Tarritoriali, à sapè u middurà di u traghjettu Bastia-Aiacciu, liamu di primura par l'isula è dinò di renda più faciuli a leia incù a piaghja uriintali
- ✓ di prupona un tracciatu chì tinissi contu di l'ughjittivi, di l'insembu di i difficoltà nutati è chì prasintessi u più cumudità par a cullittività è l'abitanti incù un impattu minimu

U bilanciù di u cuncirtà ci pìrmitterà tandu di mudificà, pracisà o accunsinti à u traghjettu prupostu.

3) PRASINTAZIONI DI U TRACCIATU

Quiddu assestu si farà da a Strada Naziunali 193 – surtita sudu di Venacu par sbuccà nant' à a Strada Dipartimentali 43 sin' à u ponti di Nuceta, po suvitarà u tracciatu di a Strada Dipartimentali 143 sin' à l'abbuccà incù a Strada Naziunali 200 in a vaddi di u Tavignanu. Sò privisti taddaturi di ghjirati nant' à l'insembu di u tracciatu è dinò parti novi da mantena carattaristichi giometrici boni.

Abbisugnarà quidda via un assestu da garantiscia da carattaristichi giometrici boni a pussibilità di duppià nant' à più di un 20% di u liniariu par ogni latu di circulationsi.

- ✓ Carattaristichi principali : u tracciatu si sviluppa in a vaddi di u Vechju, in a so maiori parti ripidda i tracciati di i dui stradi dipartimentali Strada Dipartimentali 43 è Strada Dipartimentali 143. Sò da priveda parichji ristabilimenti idrolici.
- ✓ Tracciatu in pianu : In a so parti à l'insù, imponi u rilievu carattaristichi giometrici ridotti. Invece, subitu quand'idda sbocca a via futura in fundu di a vaddi, prasinta carattaristichi giometrici più boni, chì pìrmettini di viaghjà à vitezzi alti di più.
- ✓ Profili in longu : U profili in longu hè in pendita in a parti alta di u tracciatu. Subitu toccu u Vechju, in fundu di a vaddi, i penditi scontri sò debuli di più.
- ✓ Trattamentu di i cruciamenti : A criazioni di una via nova in a vaddi di Tavignanu induci l'assestu di sei cruciamenti. Sò :
 - - u cruciamentu incù i Stradi Naziunali 193 è 200 ghjà isistanti ;
 - - quattru crucivii incù a Strada Dipartimentali 43.

Par via, d'una banda di i traffichi d'oghji è di quiddi stimati circa u 2030, u ristabili à liveddu di l'anziana Strada Naziunali 193 purria essa rializatu da un ghjiratoghju. Pìrmitteria tandu di sciocda l'iscambi. In subrapù, quiddu crucivia purria ghjuvà da intrata di l'aglumirazioni di Venacu s'iddu si teni contu di l'urbanizà di u futuru. U crucivia trà a via nova è a Strada Naziunali 200 sarà trattatu ancu iddu da un ghjiratoghju. L'altri quattru cruciamenti sarani fatti da crucivii in T.

- ✓ Paisaghju : *L'assesti di u paisaghju avarani par scopu d'intigrà quiddi asseti à i rilievi ghjà prisenti à l'inghju. Sarani par u più :*
 - un trattamentu murfulogicu di i scarpi da pìrmetta di novu un vigitalizà naturali o antropicu è una pussibilità d'arbazzì ;
 - u trattamentu di u tralasciatu in particulari cù a smuntera di i rivistimenti isistanti è u so arbazzì ;
 - u ricopru di granitu grisgiu chjaru di i parapetti di i passaghji idrolici impurtanti.
 - a missa in rilievu di i sciappali è i cantunicci.

Quiddi assesti ùn devini di qualunqua modu, dà un carattaru citadinu à i lochi varcati. Da cumplittà i trattamenti giuridiculi, bisugnarà à arbazzì i vari traslati à liveddu di l'abbucaturu à i stradi naziunali è dipartimentali. Saremu in particulari attenti quandu u tracciatu custighjghja u Vechju. Un impurtanti accumpagnamentu vigitali sarà criatu (da tena contu di u fiumu, incù arbaghji puliti è piantera d'arbori è una mubiglia stradali spificica, ...)

- ✓ Ristabili di i scoli naturali : Sarani ristabiliti i vadini sicundari da opari simplici di tippu punticeddu, volti o cundutti maiori par i più chjuchi.
- ✓ Risanamentu di a piattaforma : Oghji, l'acqui di a piattaforma sò sparguddati (par u latu di u vagonu) o arricuparati da cunetti arbosi o di cimentu (par u latu di a rocca) è avviati versu traversi di strada chì righjettani l'acqui in tarreni da sottu. Ùn ci hè nisunu trattamentu di una qualunqua pulluzioni accidintali o cronica. Da middurà quidda situazioni, sarà u tracciatu ecchippatu sanu sanu da una reta di risanamentu riliata à parichji vaschi di ritenuta di a pulluzioni accidintali in tempu di sicchina.
- ✓ Stima à l'ingrossu : U costu di quidda opara (studi, compri fundari è travaddi) hè stimatu à 26 milioni auri HT è sarà prcisatu à liveddu di u primu prughjettu.

4) CUNCIRTAZIONI PRILIMINARIA

In cunfurmità incù i priscrizzioni di l'articuli L.300-2 è R.300-1 à R.300-3 di u Codici di l'Urbanisimu, v'hè pruposta di purtà a cuncirtazioni sicondu quisti modi :

- ✓ ilaburà di un cartularu da prasintà u prughjettu,
- ✓ tramandera di u cartularu di prasintazioni à a cumuna di Venacu,
- ✓ prasintazioni di u prughjettu à u publicu par via di una mostra in marria di Venacu, par quattu suttimani à l'ori currenti d'apatura,
- ✓ missa in piazza di una pirmanenza assicurata durante una ghjurnata ogni suttimana da un raprisintanti di a Cullittività Territoriali di Corsica da rinsignà u publicu,
- ✓ publicà par via di a stampa di un annunciu di prasenza di a mostra è di i ghjurnati d'infurmazioni,
- ✓ missa à dispusizioni di u publicu rigistri par l'ussirvazioni par cinqui suttimani à partasi di u 1u ghjornu di a mostra,
- ✓ cunsultà di a municipalità una volta compia a cunsultazioni di u publicu in marria,
- ✓ dopu à quiddu insemu di fatti, appruvà di u bilanciù di a cunsultazioni da l'Assemblea di Corsica.

Par chjura, vi prupongu di dà mi auturità par lampà u prucidimentu di cuncirtà prilimariu ublicatoriu par ciò chì tratta di quiddu prughjettu di criazioni di quidda asta stradali, sicondu i modi discritti in quiddu raportu.

ASSEMBLEA DI CORSICA

**DALIBARÀ Nu14/ AC DI L'ASSEMBLEA DI CORSICA
DENDU ACCUNSENTU À U PRUGHJETTU DI CRIAZIONI DI UNA ASTA
STRADALI NANT'À A CUMUNA DI VENACU TRÀ A STRADA NAZIUNALI 193
E A STRADA NAZIUNALI 200**

SIDUTA DI U

L'annu dui mila quattordici è u _____, l'Assemblea di Corsica cuncolta di modu regulari s'hè adunita in numaru priscrittu da a leghji, in u so locu abituali di siduta, sottu à a presidenza di M.Dominique BUCCHINI, Pridenti di l'Assemblea di Corsica.

L'ASSEMBLEA DI CORSICA

VISTU u Codici Ghjinirali di i Cullittività Tarritoriali, Titulu II-Libru IV-Iva parti,

VISTU u decretu nu 2006-975 di u 1u d'austu i u 2006 purtendu Codici di i Mercati Pubblichì,

DOPU u raportu di u Pridenti di u Cunsigliu Isicativu di Corsica,

DOPU À DALIBARÀ**ARTICULU 1 :**

DA AUTURITA à u Pridenti di u Cunsigliu Isicativu di Corsica par lampà u prucidimentu di cuncirtà priliminariu ublicatoriu relativu à u prughjettu di criazioni di quidda asta stradali, sicondu i modi discritti in u raportu appiccicatu à quiddu dalibarà.

ARTICULU 2 :

Quiddu dalibarà sarà ughjettu di una pubblicazione in a raccolta di l'atti amministrativi di a Cullittività Tarritoriali di Corsica.

AIACCIU, u

U Pridenti di l'Assemblea di Corsica,

Dominique BUCCHINI